

ventúrus est judicáre vivos, et mórtuos et sæculum per ígnem.

**R.** Amén.

Rociélos con agua bendita.



Bendición del agua contra los insectos y animales nocivos.

**V.** Adjutorium nostrum, *etc.*

**V.** Dóminus vobiscum, *etc.*

Orémus.

**B**ENE✠DIC, Dómine, hanc creatúram aquæ ut fúgiant locústæ, múres, vermes, erucæ, ceteráque animália ab hac domo, vel ab ómnibus segétibus, olivétis, hortis, frúctibus, vineis, et oléribus nostris, super quibus aspérsa fuérit per Nomen tuum sanctum, Deus Pater omnípotens, et Filii tui Dómini nostri Jesu Christi virtútem, et Sancti

Spíritus bonitátem : quod quidem Nomen sanctum tuum invocatum est super ipsam creatúram tuam ségetum, vineárum, olivetórum, ólerum, et fructuum, ut fiat salúbre aliméntum ómnibus qui utúntur illis. Per Christum Dóminum nostrum.

**R.** Amen.


Rociéla con agua bendita.

---



---

### **B**endiciones para animales.



Bendición el dia de S. Antonio Abad.

**V.** Adjutorium nostrum, *etc.*

**V.** Dóminus vobiscum, *etc.*

Orémus.


**D**EUS, refúgium nostrum et virtus, adésto piis Ecclésiæ tuæ précibus, auctor ipse

pietátis, et præsta, ut quod fideliter pétimus, efficaciter consequámur. Per Christum Dóminum nostrum. **R.** Amen.

Omnípotens sempitérne Deus, qui gloriósum beátum Antónium variis tentatióibus probátum inter mundi hujus túrbines illæsum transire fecísti, concéde fámulis tuis, ut et præcláro ipsius proficiámus exémplo, et á præsentis vitæ perículis ejus méritis et intercessióne liberémur (**vel** liberéntur). Per Christum Dóminum nostrum. **R.** Amen.

Benedictiónem tuam, Dómine, hæc animália accípiant. Per Christum Dóminum nostrum. **R.** Amen.

Rociélos con agua bendita.



Bendición de los animales á quienes invade alguna peste o enfermedad.

Revestido el Sacerdote con sobrepelliz y estola morada, dice :

**V.** Adjutórium nostrum in nómine Dómini.

**R.** Qui fécit, etc.

**V.** Dómine, non secúndum peccáta nostra fácias nobis,

**R.** Neque secundum iniquitátes nostras retríbuas nobis.

**V.** Hómines et juménta salvábis, Dómine.

**R.** Quemádmódum multiplicásti misericórdiam tuam, Deus.

**V.** Aperis tu manum tuam.

**R.** Et imples omne ánimál benedictióne.

**V.** Dómine, exáudi oratió-nem meam.

**R.** Et clámor, etc.

**V.** Dóminus vobiscum.

**R.** Et cum spíritu tuo.

Orémus.

**D**EUS qui labóribus hóminum etiam de mútis animálibus solátia subrogásti, súplices te rogámus; ut sine quibus non álitur humana condítio, nostris fácias úsibus non períre. Per Christum Dóminum nostrum.

**R.** Amén.

Orémus.

**M**ISERICORDIAM tuam, Dómine, súplices exorámus: ut hæc animália, quæ gravi infirmitáte vexántur, in nómine tuo atque bene†dictiónis virtúte, sanéntur. Exstinguátur in eis omnis diabólica potéstas, nec ultérius ægrótent. Tu eis, Dómine, sis defénsor vitæ, remé-

dium sanitátis. Per Dóminum nostrum Jesum Christum Filium tuum: qui tecum, etc.

**R.** Amen.

Avérte, quæsumus Dómine, á fidélibus tuis cuncta propítius flagélla; et morbórum in animáliasævientium depélle perníciam; ut quos mérito plectis devios, fóveas tua miseratióne corréctos. Per Christum Dóminum nostrum. **R.** Amen.

Rociélos con agua bendita.

